

0.0.1 diṭṭhigatasuttaṃ

vuttaṃ hetam bhagavatā. vuttamarahatā'ti me sutam.

1. dvīhi bhikkhave diṭṭhigatehi pariyuṭṭhitā devamanussā olīyanti eke. atidhāvanti eke. cakkhumanto ca passanti.

2. kathañca bhikkhave olīyanti eke?

3. bhavārāmā bhikkhave devamanussā bhavaratā bhavasammuditā. tesam bhavanirodhāya dhamme desiyamāne na cittaṃ pakkhandati na pasīdati na santiṭṭhati nādhimuccati. evaṃ kho bhikkhave olīyanti eko.

4. kathañca bhikkhave atidhāvanti eke?

5. bhaveneva kho paneke aṭṭiyamānā harāyamānā jigucchamānā vibhavaṃ abhinandanti yato kira bho ayaṃ attam¹ kāyassa bhedā parammaraṇā ucchijjati vinasati na hoti parammaraṇā, etaṃ santaṃ etaṃ paṇītaṃ etaṃ yathāvanti². evaṃ kho bhikkhave atidhāvanti eko.

6. kathañca bhikkhave cakkhumanto passanti?

bjt page 376

¹satto, sīmu.

²yathāvaevaṃdhāvati, sīmu.

pts page 044

7. idha bhikkhu bhūtaṃ bhūtato passati, bhūtaṃ bhūtato disvā bhūtassa nibbidāya virāgāya nārodhāya paṭipanno hoti. evaṃ kho bhikkhave cakkhumanto ca passantīti.

8. etamatthaṃ bhagavā avoca. tatthetaṃ iti vuccati:

ye³ bhūtaṃ bhūtato disvā
bhūtassa ca atikkamā⁴
yathābhūte vimuccanti
bhavataṇhāparikkhayā.

sa ve⁵ bhūtapariñño so⁶
vītataṇho bhavābhava
bhūtassa vibhavā bhikkhu
nāgacchati punabbhava"nti.

9. ayampi attho vutto bhagavatā. iti me sutanti.

³yo, syā.

⁴atikkamaṃ, sīmu.

⁵sace, sīmu. syā, pts.

⁶bhūtapariññāto, katthaci.